



**Sámi allaskuvla**

Sámi University of Applied Sciences

OAHPPOPLÁNA

---

**DUOJI JA HÁBMEMA  
BACHELORBARGU**

10 oahppočuoggá

Duodje- ja hábmenbachelora duodjefágalaš čiekŋudanoahppu

## **1. OAHHPOOVTTADAGA NAMMA**

Sámegillii: Duoji ja hábmema bachelorbargu  
Dárogillii: Bacheloroppgave i duodji og design  
Eaŋgalasgillii: Bachelor thesis in Duodji and Design

## **2. OPPALAŠ DIEĐUT OAHPPU BIRRA**

- **OAHHPOOVTTADAGA KODA:** DUO 290
- **VIIDODAT:** 10 oahppočuoggá
- **OAHPU LÁGIDEAPMI:** Oahppu lágiduvvo Sámi allaskuvllas, bagadallama bokte.

## **3. OAHPPOPROGRÁMMA GULLEVAŠVUOHTA**

Oahppu lea geatnegahtton duodjefágalaš čiekŋudanoahppu duodje- ja hábmenbacheloras. Oahppoovttadat sáhtta ohcama vuodul dohkkehuvvot oassin eará bachelorprográmmaide.

## **4. SISABEASSANGÁIBÁDUSAT**

Duodje- ja hábmenbachelora prográmmastudeantat galget leat čađahan čuovvovaš oahpuid ovdal besset álgit Duodji ja hábmema bachelorbargui: DUO 101 Duddjoma ja hábmema bargovuogit (10 oč), DUO 102 Bistevaš design (15 0č), DUO 120 Eamiálbmot duodje- ja dáiddadiehtu (15oč), ja DUO 244 Duodji ja ovdánahttin (30 oč)

Duoji ja hábmema bachelorbarggu sáhtta nai váldit oassin friddja bacheloras, ja dalle galget ohccit leat čađahan čuovvovaš fága ovdal besset álgit fágii: DUO 244 Duodji ja ovdánahttin (30 oč)

Dábálaš sisabeassangáibádusat alitoahpahussii. Sisabeassanvuodđu sáhtta leat juogo oppalaš lohangelbbolašvuolta (čađahan joatkkaskuvlla/logahaga/gymnása) dahje reálagelbbolašvuolta. Dasa lassin gáibiduvvo sámegielmähttu.

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuolta man dási gelbbolašvuolta ohccis lea, de ášši ovddiduvvo fágalaš árvoštallamii ja meannuduvvo dán vuodul.

## **5. OAHPAHUSGIELLA**

Oahpahusgiellan lea dábálaččat davvisámegiella. Oahpahus sáhtta leat maiddái eará sámegielaide, skandinávalaš dahje eaŋgalsgillii. Eará gielaide oahpahus sáhtta dulkojuvvo

dárbbu mielde. Eará sámegielat studeanttaide láhččo dilli nu ahte sii sáhttet čállit bargguid iežaset sámegillii.

## **6. SISDOALLU**

Studeanta, gii čadaha olles bachelora, dahká oktagaslaš duodjefágalaš barggu fáttás, maid ieš lea válljen ovttasráđiid nammaduvvon bagadalliin, gii galgá bagadallat studeantta barggadettiin. Studeanta ráhkada plána maid bagadalli dohkkeha. Bargu lea duodjebargu masa studeanta vállje bargovugiid ja mas čájeha fágalaš ovdáneami. Bachelorbargu lea duoddjonoassi ja čálalaš čilgehus. Čálalaš čilgejumis berre boahtit ovdan studeantta fáddáčilgehus, ulbmilat bargguin, bargočilgehus (metoda) ja reflekšuvdna.

## **7. OAHPPANJOKSOSAT**

Bachelorbarggu joksosat leat ahte studeanta

- gažada ráddjejuvvon čuolmma
- máhtta oktiibidjat duoddjonplánema ja duoddjoma ráddjejuvvon čuolmma siskkobealde
- čilge ja ákkastallá iežas válljemiid bargoproseassas čálalaččat
- máhtta ovdanbuktit bohtosa čuolmma ektui duoddjomiin ja čálalaččat
- hutká ovdanbuktinvuogi mas oaidná proseassa čuolmma ráhkadeamis gárvves bohtosii

## **8. OAHPAHAN- JA OAHPPANVUOGIT**

Studeanta oažžu bagadallama čállima ja duoddjoma oktavuodas. Studeanttas lea vuoigatvuohta oažžut bagadallama unnimusat 3 geardde barggadettiin.

## **9. GÁIBÁDUSAT BEASSAT EKSÁMENII**

Studeantta evttoha:

- fáttá ja čuolmma, maid bagadalli dohkkeha. Bagadalli bidjá áigemeari buktit dohkkeheapmái.
- lohkanmearri, maid bagadalli dohkkeha. Bagadalli bidjá áigemeari buktit lohkanmeari.

## **10. EKSÁMEN**

Bachelorbargu lea oktagaslaš eksámen. Bargu árvvoštallojuvvo guovtti oasis: gárvves duodji fáttá siskkobealde ja 10-15 siiddu viidosas čálus fáttá siskkobealde, dat siskkilda nammasiiddu rájes gitta gáldosiidui. Čálus galgá sámegillii, muhto sáhtta sierra ákkaid geažil ohat eará gillii čállit. Studeanta ráhkada čájáhusa mas čájeha barggu. Duojs lea 50 % deaddu ja čálalaš barggu lea 50 % deaddu lohpalas árvosánis.

Árvosátni eksámenis addojuvvo ECTS vuogádaga mielde, mas A lea buoremus árvosátni ja E lea vuolimus ceavzínárvosátni. Árvosátni F mearkkaša ahte ii leat ceavzán. Muđui čujuhuvvo Sámi allaskuvlla árvvoštallan- ja eksámennjuolggadusaide.

## **12. LEA GO PRIVATISTTAIN VEJOLAŠ VÁLDIT DÁN FÁGA**

Ii leat.

## **13. KVALITEHTASIIHKKARASTIN**

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágaraortta vuodul.

## **14. LOHKANMEARRI**

Lohkanmearri galgá leat 300- 400 siiddu, ja galgá leat relevánta bachelorbarggu fáddái. Studeanta vällje ieš lohkanmeari maid bagadalli dohkkeha.